

續修順甯府志稿卷十四

學校志一

廟學

典禮學額學田廟田附

禮經凡始立學者必釋奠於先聖先師漢興以太牢
祀孔子嗣定釋奠之禮有牲幣合樂獻酬雖視生都
顯位沒祀大烝者不同而春秋上下肅雍饗祀禮明
樂備百世尊崇煌煌鉅典震古鑠今矣修士式化宮
牆遵循乎禮門義路致虔於里豆庠邇當今時勢艱
難異教捭屨羣言渙雜惟能恪遵周孔敦行實踐而
無惑焉聖道庶幾存乎謹詳紀之而以典禮學額學

田廟田並載於篇志廟學

尊崇典禮考

周敬王四十二年魯哀公誅孔子曰尼父就故宅立

廟 漢高帝十二年過魯以太牢祀孔子詔諸侯卿

相先謁廟而後從政 平帝元始元年六月追諡孔

子爲褒成宣尼公 後漢章帝元和二年祀孔子於

闕里作六代之樂 和帝永元四年封孔子爲褒尊

侯 梁武帝天監四年立州郡學建孔子廟 北魏

孝文帝太和十六年改諡孔子曰文宣尼父 北周

靜帝大象二年追封孔子爲鄒國公 隋文帝開皇

初贈孔子爲先師尼父 唐太宗貞觀二年稱孔子
爲先聖四年詔州縣學皆立孔子廟十一年尊爲宣
父 乾封元年贈孔子太師 天授元年封孔子爲
隆道公 開元二十七年追諡孔子爲文宣王 宋
大中祥符元年加諡孔子爲元聖文宣王是年詔追
封聖父爲齊國公五年改封孔子爲至聖文宣王
至和二年封孔子後爲衍聖公 崇甯四年詔文宣
王殿以大成爲名 元大德十一年加諡孔子爲大
成至聖文宣王 至順元年加封聖父爲啟聖王
明安治十三年文廟改用綠色琉璃瓦 嘉靖九年

尊孔子曰至聖先師改用木主令國子監並天下學
宮皆建啟聖祠

國朝

世祖章皇帝順治二年定文廟諡號稱爲

大成至聖文宣先師孔子九年

上臨雍親行兩跪六叩頭禮十三年

命頒國子監文廟大成樂章十四年改諡稱爲

至聖先師孔子

聖祖仁皇帝康熙二十三年躬詣闕里釋奠行三跪九叩

頭禮

御書萬世師表額並頒天下學宮二十四年

御製孔子贊顏曾思孟贊立石摩挲頒發各省學宮

孔子贊序曰蓋自三才建而天地不居其功一中傳而聖人代宣其蘊有行道之聖得位以綏猷有明道之聖立言以垂憲此正學所以常明人心所以不泯也粵稽往緒仰邇前徽堯舜禹湯文武達而在上兼君師之寄行道之聖人也孔子不得位窮而在下秉刪述之權明道之聖人行道者勲業爛於一朝明道者教思周於百世堯舜禹湯文武之後不有孔子則學術紛淆仁義湮沒斯道之失傳也久矣後之人而欲探二帝三王之心法以爲治國平天

下之準其奚所取衷焉然則孔子之爲萬古一人也審矣
朕巡省東國謁祀闕里景企滋深敬摛筆而爲之贊曰清
濁有氣剛柔有質聖人參之人極以立行著習察舍道莫
由惟皇建極惟后綏猷作君作師垂統萬古曰惟堯舜禹
湯文武五百餘歲至聖挺生聲金振玉集厥大成序書刪
詩定禮正樂旣窮象繫亦嚴筆削上紹往緒下示來型道
不終晦秩然大經百家紛紜殊途異趣日月無踰羹牆可
晤孔子之道厥惟中庸此心此理千古所同孔子之德仁
義中正秉彝之好根本天性庶幾夙夜勛哉令圖溯源洙
泗景躅唐虞載厯庭除式觀禮器摘毫仰贊心焉遐企百

世而上以聖爲歸百世而下以聖爲師非師夫子惟師於
道統天御世惟道爲寶泰山巖巖東海泱泱牆高萬仞夫
子之室孰窺其藩孰窺其徑道不遠人克念作聖

顏子贊曰聖道早聞天資獨粹約禮博文不遷不貳一善
服膺萬德來萃能化而齊其樂一致禮樂四代治法兼備
用行舍藏王佐之器

曾子贊曰洙泗之傳魯以得之一貫曰唯聖學在茲明德
親民止善爲期格致誠正均平以推至德要道百行所基
纂承統緒修明訓辭

子思子贊曰於穆天命道之大原靜養動察庸德庸言以

經傳附錄
廟學
育萬物以贊乾坤九經三重大法是存篤恭慎獨城之
門卷之藏密擴之無垠

孟子贊曰折人既萎楊墨昌熾子輿闢之曰仁曰義性善
獨聞知言養氣道稱堯舜學屏功利煌煌七篇並垂六藝
孔學攸傳禹功作配

二十九年定官人等至學宮下馬例通行各省

五十一年

詔以朱子升祀十哲位顓孫子之次五十四年進范仲淹
從祀

世宗章皇帝雍正元年追封至聖先世五代爲王更啟聖

祠爲崇聖祠進張迪從祠崇聖祠兩廡二年曲阜廟
災

上具素服親詣太學祭慰

詔以後釋奠改幸學爲詣學復祀先賢蘧瑗林放秦冉顏
何先儒鄭康成范甯增祀先賢縣亶牧皮樂正克公
都子萬章公孫丑先儒諸葛亮尹焞魏了翁黃幹陳
淳何基王柏趙復金履祥許謙陳澔羅欽順蔡清陸
隴其三年

詔避聖諱四書五經外俱作邱字讀期音是年
詔郡縣丁祭增用太牢四年仲秋丁祭

上親詣行禮畢

諭禮部太常寺儀注內開奠帛獻爵皆不跪朕今跪獻非
誤也若立獻於

先師之前朕心有所不安將此諭眾知之爾衙門可記載
嗣後照此遵行

五年頒

御書生民未有額於各學

詔遇八月二十七日至聖誕辰致齋一日不理刑名禁止
屠宰

七年十二月以重修闕里

聖廟慶雲見於曲阜

上親詣太學祭告

十一年二月

上親詣釋奠禮成

諭禮部嗣後親詣行禮於香案前行三上香禮

高宗純皇帝乾隆二年頒

御書與天地參額於各學

諭工部

至聖先師孔子天縱聖神師表萬世尊崇之典至我朝而
極盛

皇考世宗憲皇帝尊師重道禮敬尤隆闕里文廟

特命易蓋黃瓦鴻儀炳煥超越前模朕祇紹

先猷羹牆念切思國子監爲首善觀瞻之地辟雍規制宜
加崇飭大成門大成殿著用黃瓦崇聖祠著用綠瓦以昭
展敬之意

三年

諭今年春祭

先師孔子朕降旨親詣行禮舊例春秋二祭皆遣官我皇

皇考尊

師重道始定親祭之禮今覽太常寺奏進儀注朕躬獻爵

一次其亞獻三獻之爵則豫設於案朕思旣行親祭仍當從三獻之儀注太常寺重繕儀注進呈

升有子祀東哲位卜子夏之次又以元儒吳澄復祀五年定樂用六佾設樂舞生四十人

十八年

詔定先賢先儒神牌位次

三十三年

諭修葺文廟見屆落成太學規模式昭輪奐惟門題殿榜尙應詳考彝章用肅景仰向來正殿稱

先師廟二門曰廟門而大門未有書額蓋沿習明代舊文

未加釐正夫廟門之號於禮經所稱祖廟既涉嫌疑而
先師廟額揭諸殿楹名實尤多未稱應於大門增

先師廟額其正殿改爲大成殿二門改爲大成門庶符會
典定制朕親書榜字涓吉恭懸以彰崇道尊師之至意

五十年國學新建辟雍落成

上臨雍講學行釋奠禮

六十年

諭朕自臨御以來恭遇

郊廟大祀無非祇肅躬親卽中祀之典亦多親詣舉行嗣
因年屆八旬曾經降旨所有中祀典禮如先農朝日夕月

等壇俱於八旬前兩年內以次親祭一週原因年壽日享恐筋力或有不逮是以中祀之典於五十年後不復親行今思

先師孔子道集大成師表萬世朕自沖齡服膺聖教久而無倦凡行政興學悉皆得自心傳況丙辰年卽係歸政之期本年爲朕御極六十年二月上丁允宜展禮宮牆用申企慕此次文廟釋奠朕親詣行禮以昭崇儒重道之誠其應行典禮該衙門照例豫備

仁宗睿皇帝嘉慶四年頒

御書聖集大成額於各學

宣宗成皇帝道光元年頒

御書聖協時中額於各學二年以劉宗周從祀三年以湯
斌從祀五年以黃道周從祀六年以陸贄呂坤從祀
八年以孫奇逢從祀二十三年以文天祥從祀二十
九年以謝良佐從祀

文宗顯皇帝咸豐元年頒

御書德齊疇載額於各學以李綱從祀二年以韓琦從祀
三年以公明儀從祀七年以公孫僑從祀孟皮配享
崇聖祠九年以陸秀夫從祀十年以曹端從祀

穆宗毅皇帝同治元年頒